

<p style="text-align: justify;">lsnin, 15 Februari 2021 @ 2:31 PM
Kuantan: Hasrat guru wanita di Bentong untuk melaram gelang emas baharu lebur apabila dia diperdayakan seorang lelaki yang kononnya menawarkan harga promosi barang kemas berkenaan.</p> <p style="text-align: justify;">Ketua Jabatan Siasatan Jenayah Komersial (JSJK) Pahang, Superintendant Mohd Wazir Mohd Yusof berkata, kejadian bermula apabila mangsa berusia 40 tahun melihat iklan barang kemas itu di Instagram sebuah kedai emas.</p> <p style="text-align: justify;">Mangsa kemudian menghantar mesej ke dalam instagram berkenaan sebelum menerima mesej daripada lelaki yang mendakwa pekerja kedai itu.</p> <p style="text-align: justify;">"Hasil perbincangan dengan suspek, mangsa bersetuju untuk membeli barang kemas berkenaan dengan harga RM3,300 iaitu harga promosi diberikan lelaki itu," katanya dalam satu kenyataan media di sini hari ini.</p> <p style="text-align: justify;">Katanya, mangsa membuat pindahan wang sebanyak RM3,300 melalui mesin juruwang automatik (ATM) ke dalam satu akaun diberikan suspek.</p> <p style="text-align: justify;">"Selepas itu, mangsa baru menyedari yang akaun yang dipindahkan wang berkenaan adalah akaun peribadi dan bukan akaun syarikat milik kedai emas berkenaan.</p> <p style="text-align: justify;">"Mangsa yang menyedari dirinya ditipu kemudian membuat laporan polis di Ibu Pejabat Polis Daerah (IPD) Kuantan di sini, semalam," katanya.</p> <p style="text-align: justify;">Katanya, modus operansi suspek adalah dengan memperdayakan mangsa dalam urusan penjualan gelang emas yang tidak wujud sehingga pengadu mengalami kerugian sebanyak RM3,300 dan kes disiasat mengikut Seksyen 420 Kanun Keseksaan.</p> <p>◆</p> <p style="text-align: justify;">Sumber: https://www.hmetro.com.my/mutakhir/2021/02/674694/guru-rugi-rm3300-ditipu-beli-gelang-emas</p>